



## CAPUT XIV.

*De sacris Curionibus, & Præpositis VIENNENSIS  
Ecclesie.*

**V**eteris VIENNÆ templis subnecto ejus sacros Curiones, de quibus certa notitia ad me pervenit, non vero ut LAZIUS eosdem recenset; quamvis minus erret, quam ei a multis imputetur, & qui etiam in erroribus suis lumen veritati inveniendæ præbet; ut ex Clarissimo CALLESIO didici.

Anno 1147. Chronicon Zwetlense Parochum urbis nominat EBERHARDUM, sub quo Ecclesia S. STEPHANI dedicata est. Ejusdem mentio fit in literis HENRICI Ducis datis 1150. sub nomine EBERHARDI DE WINE, inter testes Ecclesiasticos.

Anno 1158. HENRICUS DUX in literis foundationis Scotorum meminit HERBERGERI Parochi VIENNENSIS, quem GREGORIUM HANSIZIUS compellat.

Anno 1214. ex literis MANEGOLDI Episcopi Passav. Apud Abbatem LINKIUM in suis Annal. Zwetl. VIENNÆ Plebanus legitur SIGHARDUS Canon. Passav.



Anno 1251. VIENNÆ Curio LEOPOLDUS. *Chron. Austr.*

Anno 1252. deponitur LEOPOLDUS VIENNÆ Curio, eique subrogatur GERARDUS. *Chron. Austr.* ad hunc annum. Mortuus hic est Anno 1271. ut docet *Chronicon Zwetlense supra laudatum.* Inde erroris convincitur LAZIUS & HUNDIUS, qui scribunt PETRUM, dein Episcopum Pataviensem, Paroecum VIENNÆ fuisse, & quidem ante annum 1266; in literis quippe OTTONIS Pataviensis Antistitis datis Anno 1261. & relatis ab HANSIZIO T. I. pag. 400. GERARDUS, de quo paulo ante, Plebanus de VIENNA nominatur: mortuus vero est anno primum 1271.

Huic succedit BERNARDUS PRAMBACH, factus Pataviensis Præsul Anno 1285. Vide HANSIZIUM T. I. pag. 439.

Anno 1295. Mortuus GOTFRIDUS Plebanus VIENNÆ, Protonotarius ALBERTI Ducis, sepultus in Capitulo ad S. CRUCEM. V. HANSIZIUM T. I. p. 443. & *Chron. Austr.* ad hunc annum.

Anno 1308. Curio VIENNENSIS legitur ALBERTUS e Ducibus Saxonæ, subin Antistes Passaviensis Anno 1320. HANSIZIUS T. I. pag. 452.

Anno 1348. Parochus VIENNENSIS erat ALBERTUS C. DE HOCHENBERG. Vide Chartam WOLFGANGI ZYPH, apud DUELLIUM in *Historia Ord. Teuton.* p. 70.

Ulti-



Ultimus ante Præpósitos VIENNÆ Parochus ex  
suis ad Pontificem literis II. Idus Decembris Anno 1359.  
datis, dignoscitur LEOPOLDUS SAXNGANGER. Tabul.  
Ecclesiæ ad S. STEPHANI.

Anno 1365. RUDOLPHUS IV. Archidux AUSTRIÆ,  
qualem se primus in literis scribit, *Cleri pater, & divini  
cultus promotor indefessus*, ut eum HASELBACHIUS lau-  
dat, obtenta ab URBANO V. summo Pontifice venia,  
literis Avenione anno priore Non. Aug. datis, 16. Mart.  
quæ erat III. *Dominica Quadragesimæ*, Collegium Canoni-  
corum ex aulæ facello, propter ejus angustias, simul cum  
Titulo OO. SS. ad novam S. STEPHANI Basilicam trans-  
fert. Præpositum *eines gefürsteten Probsts* & supremi  
AUSTRIÆ Cancellarii nomine ornat, eundemque perpe-  
tuum Universitatis, quatuor abhinc diebus a se institutæ,  
Cancellarium declarat. Id, quod URBANUS V. literis  
XIV. Cal. Julii datis ratum habuit. Idem Pontifex lite-  
ris Non. Aug. 1364. ad Episcopum Gurcensem, &  
Lavantinum, & ad Abbatem Monasterii Scotorum datis  
ordinat; ut dictus Præpositus *baculo pastorali, aliisque  
Pontificalibus uti insignibus, & ornamentis possit*; ut,  
quo ad ea, quæ curam animarum spectant, subjectus  
quidem deinceps etiam sit Dioecesano Episcopo, cetero-  
quin tum ipse, tum Canonici omnes cum Ecclesia ipsa  
Collegiata ab omni Archi - Episcopi Salisburgensis &  
Episcopi Passaviensis jurisdictione eximantur, nec alteri  
cui-



cuipiam, nisi summo Pontifici immediate subiecti sint. Hæc ex Tabulario Capit. Cath. Ecclesiæ Vienn. S. STEPHANI, & STEYERERI Comment. ad vitam ALBERTI II. c. 3. p. 25. & in Addit. c. III. a col. 488. præcipue col. 506. & col. 514.

## C A T A L O G U S

*Præpositorum VIENNENSIVM secundum documenta Academica, & Capituli ad S. STEPHANUM, ac Commentarios ANTONII STEYERERI constitutus, Conspectui Hist. Vienn. ad calcem insertus: adjectis nonnullis, aut emendatis ex Histor. Cancellariorum Univ. Vienn. edita Anno 1729.*

### I.

**J**OANNES MAYERHOFER, anno 1365. XII. Cal. April. quinto a fundatione die a RUDOLPHO Duce ad Præpositi dignitatem vocatus, dein anno 1376. ad Infulas Gurcenses in Carinthiam translatus. Obiit 1402. 30. Januarii. *Liber statut. Et Necr. ad S. STEPHANUM*

### II.

BERTHOLDUS DE WECHING, Art. Mag. creatus Præpositus anno 1376. factus Episcopus Frisingensis anno 1381. Obiit anno 1417. Rectus 1410. VII. Id.



Id. Sept. ut in Nocr. MS. Eccl. ad S. STEPHANUM, & in ejus tumulo Claustro-Neob. legitur.

## III.

GEORGIUS e Baronibus LIECHTENSTEINIIS de Nicolspurgo appellatis, creat. Præposit. anno 1381. translatus ad Infulam Tridentinam anno 1390. renuntiatus S. R. E. Cardinalis 1411. Obiit anno 1420.

## IV.

ANTONIUS, unde oriundus, non constat. Nominatus & installatus anno 1390. præfuit annis 16. Obiit anno 1406. 9. Septembr.

## V.

WILHELMUS TURSO, seu TURS, Nobili AUSTRIÆ genere ortus, creatus Præposit. anno 1406. Obiit anno 1439. in Vigilia S. Thomæ Apost.

## VI.

CONRADUS ZEIDELER, creat. Præposit. Anno 1440. Obiit Anno 1442. Domin. Palmar.

## VII.

ALEXANDER DUX Massoviæ, FRIDERICI III. Cæsaris avunculus, S. R. E. Cardinalis, Patriarcha Aquile-  
*Notit. Vindob.*                      O                      jen-



jenfis, Tridentinæ ac Curiensis Ecclesiarum Administrator; renuntiatus est, nominante FRIDERICO Cæsare, Præposit. S. STEPHANI VIENNÆ a Synodo Basileensi anno 1442. Obiit (teste sepulchrali lapide) 2. Junii anno 1444. in D. STEPHANI Ecclesia VIENNÆ sepultus ad aram, unde Eucharistia ad infirmos defertur.

## VIII.

ALBERTUS Comes de SCHAUMBURG, Canonicus Pataviensis, qui licet decimum quartum duntaxat ætatis annum ageret, a FRIDERICO Cæsare, tutorio LADISLAI nomine AUSTRIAM administrante, Præposit. Anno 1444. nominatus, & anno sequenti a Patribus in synodo Basileensi congregatis confirmatus, ut expresse habet Bulla eorundem Patrum in Tabul. Capit. Vienn. Eædem Tabulæ referunt, eundem ALBERTUM Præposit. Anno 1460. Papiam studiorum causa profectum. Præfuit Præposit. ad annum usque 1471. Abinde sex annis Præposituram vacasse Acta Facult. Philosoph. diserte testantur. Quod quidem exinde evenisse conjicio, quod jam tunc de transferendis Præpositi redivisibus ad Mensam Episcopalem FRIDERICUS Cæsar cum Pontifice tractaret.

## IX.

JOANNES ALEMANNUS vulgo, Wratislaviensis, Archi-Episcopus Strigoniensis, renuntiatus Administrator  
Præ-



Præposituræ Anno 1477. quod munus gessit usque ad annum 1480. Cancellarii autem officium usque ad annum 1482. ut clare est colligere ex iis documentis, quæ ad Annum 1480. & 1484. Conspectui inserta sunt: Anno quippe 1482. ad Salisburgenses Infulas transiit, mortuus 1489. 15. Decembris. *Histor. Cancell.*

## X.

THOMAS DE CILIA creatus & installatus Præpositus ad S. STEPHANUM Anno 1480, eodem scilicet anno, quo Ecclesia D. STEPHANI in sedem Episcopalem a FRIDERICO Cæsare erecta, & constituta est. Primus igitur fuit Præp. Eccl. Cath. Vienn.; quamvis Cancellarii munere primum fungi cœperit Anno 1484. Translatus est ad Infulam Constantiensem Anno 1491. Obiit anno 1496. 20. April. *Histor. Canc.*

## XI.

VIRGILIUS CANTZLER ex Salisburga. Creatus Præposit. Anno 1491. Dominica post festum S. ELISABETHÆ. Obiit anno 1502.

## XII

JUSTUS KASMAN, fororius JOAN. CUSPINIANI, nullo literario gradu insignis, Canonicus tamen ad S. STEPHANUM; creatus Præpositus Anno 1502. Obiit anno 1510.



## XIII

JOANNES BUSCH SS. Theolog. Doctor; MAXIMILIANO Imp. a capella Aulica (LAZIUS) creat. Præposit. Anno 1510. Obiit Anno 1516.

## XIV.

PAULUS AB OBERSTEIN, J. U. Doctor, MAXIMILIANO Cæsari a secretis, creat. Præposit. anno 1516. præfuit annis octo, & viginti. Obiit Anno 1544.

## XV.

JOANNES ROSINUS, Instructor Regiorum Liberiorum FERDINANDI I. Orator celebris, Poeta Laureatus, creatus Præposit. anno 1544. Obiit anno 1545.

## XVI.

JOANNES SAUER, Theolog. Doctor, FERDINANDI Regis Encomiastes aulicus (LAZIUS) creatus Præposit. Anno 1545. Obiit Anno 1553.

## XVII.

MARTINUS BONDENARIUS, celebris Jurisconsultus, & Professor, ex Italia VIENNAM a FERDINANDO I. accersitus: creatus Præposit. Vienn. Anno 1553; cum simul esset Præpositus Ardeacensis. Obiit 17. Septembr. anno 1556.

## XVIII.





## XVIII.

MATHIAS WERTHWEIN, Pforzheimensis, Theol. Doctor. Can. ad S. STEPHANUM (*Histor. Canc.*). Creatus Præpositus Anno 1556. Resignavit anno 1569. In Consp. Hist. Univ. P. III. pag. 13. dicitur hoc anno mortuus.

## XIX.

MICHAEL ECCIUS, Theolog. Doctor, creat. Præposit. Anno 1569. Obiit Anno 1576. 2. Octobris sepultus. *Histor. Canc.*

## XX.

MELCHIOR KLESELIUS, Vienn. Art. Mag. Theolog. Baccalaureus, Præposit. Vienn. Anno 1579. Episcopus NEOSTADIENSIS anno 1588. VIENNENSIS Ecclesiæ Administrator Anno 1598. Episcopus 1602. Presbyter Cardinalis S. MARIE DE PACE Anno 1616. Obiit Neostadii 17. Septembris Anno 1630.

## XXI.

CHRISTIANUS LAURENTIUS OERN AB ARUP, Datus, Ecclesiæ Vienn. Decanus Anno 1620. Præpositus nominatus Anno 1630. sequenti confirmatus. Obiit 12. Martii Anno 1636.



## XXII.

TOBIAS SCHWAB, Vienn. J. U. Doctor, Præposit.  
Vienn. Anno 1636. Obiit 1. Febr. Anno 1640.

## XXIII.

JOANNES AUGUSTINUS ZWERGER, Vienn. J. U.  
Doctor, creat. Præposit. Anno 1640. Obiit Anno  
1648. 4. Sept. Kierenbergæ. *Histor. Canc.*

## XXIV.

SEBASTIANUS ZWIRSCHLAG, Ducumburg. Art.  
& Theol. Doctor, factus Præposit. Vienn. ad S. STE-  
PHANUM Anno 1648. Obiit Anno 1665. 18. Sept.  
*Histor. Canc.*

## XXV.

LAURENTIUS AIDINGER, Bojus, AA. & Theo-  
logiæ Doctor, Curatus ad S. STEPHANUM, LEOPOLDI  
I. Instructor, dein Canonicus. Anno 1665. Præposit.  
Viennensis. Ad Episcopatum Neostadiensem promo-  
tus Anno 1667. Obiit 23. Julii Anno 1669.

## XXVI.

PETRUS VAUTHIER, Brundrutanus AA. & Theo-  
logiæ Doctor, Præpositus Vienn. Anno 1667. Obiit  
4. Septembris Anno 1683.

## XXVII.



## XXVII.

JOANNES BAPTISTA MAYR, Tyrolensis, AA. & Theologiæ Doctor, creat. Præposit. Anno 1687. Obiit 8. Martii Anno 1699.

## XXVIII.

HERMANUS CLAUDIUS KLÖKER, Vienn. Jur. Utr. Doctor. Præpositus Vienn. Anno 1699. Obiit 12. April. Anno 1708.

## XXIX.

JOSEPHUS HENRICUS BRAITENBÜCHER, VIENNÆ natus Anno 1676. 14. Aprilis. AA. & Theologiæ Doctor, creatus Præpositus ad S. STEPHANUM Anno 1708. Episcopus Antigonienfis & Suffraganeus VIENNENSIS Anno 1728. 16. Maji, die Pentecostes consecratus. Obiit 24. Februar. Anno 1749.

## XXX.

FRANCISCUS ANTONIUS GUSMAN, Vienn. Art. & Theologiæ Doctor, Canonicus ad S. STEPHANUM, Rector Magnificus Anno 1722. Creatus Præpositus anno 1749. 15. Maji. Obiit 5. Augusti Anno 1752.

## XXXI.

ANTONIUS FRANCISCUS XAVER. MÄRNER, Feldkirchensis. AA. lib. & Theolog. Doctor, Canonicus



CUS ad S. STEPHANUM anno 1738. Scholaſticus (ut vocant) Anno 1743. Epifcopus Chryſopolitanus confecratus 26. Maji 1748. Suffraganeus VIENNENSIS, Vicarius Generalis & Officialis, anno 1749. Creatus Præpoſitus anno 1752. 7. Septembris. Hujus eximias animi dotes, præclara virtutum exempla, & labores Apoſtolicos læti fuſpicimus.

---

## C A P U T XV.

*De Templis, & Sacellis, quæ fere omnia hodie dum publico VIENNENSIVM accessui patent.*

---

### P A R O E C I Æ.

**M**etropolitana Divi STEPHANI Basilica condita primum est ab HENRICO JASOMIRGOTT, primo AUSTRIÆ Duce, & quidem in honorem S. STEPHANI Levitæ, & Martyris.

Demonstrat hoc STEYERERUS in Addit. ad Histor. ALBERTI II. Col. 282; & patet ex omnibus documentis ante RUDOLPHUM IV. editis, & a me sparsim adductis: nec non ex ipsius RUDOLPHI literis usque ad annum 1365, in quibus duntaxat S. STEPHANI nomen Ecclesiæ huic tribuitur.